



# **COMUNU DE MARACALAGONIS**

**TZITADI METROPOLITANA DE CASTEDDU**

**SETORI :**                                   **Polìticas Sotzialis**

**Responsàbili:**                             **dot.ssa Podda Ignazia**

**ORDINÀNTZIA N.**                           **300**

**in sa dìi**   **21/03/2021**

**OGETU:**

**MEDIDA NIUS A INDONU 2020 - ART. 4, COMMA 8, LÌTERA A) L.R. 20/2019 - INTERBÈNNIDA PO AGIUDAI A S'IMPREU DE IS SERVÌTZIUS PO SA PRIMU PIPIALLA ATRUÈSSU DE SA BOGADURA DE SA RETA PO SA FRECUÈNTZIA IN NIUS E MICRO NIUS PÙBLICUS E PRIVAUS COMPORAUS IN CUNVENTZIONI CUN SU COMUNU. LICUIDATZIONI N. 1 BENEFITZIÀRIU**

## SU RESPONSABILITÀ DE SU PROCEDIMENTU

*averigau chi no ddoi funt apitzu suu acontèssius de cunflitu de interessus cun is arricidoris de su provedimentu, cunforma a s'art. 6 bis de sa lei 241/90, ponit asuta de s'aprovazioni de su Responsabili de su Setori Políticas Sotzialis custa propònnida di determinazioni chi sight, cumprovendi sa regularidadi de su procedimentu e chi custu e totu est stètiu cumpriu arrespetendi sa disciplina normativa vigenti;*

**ARREGORDAUS** is Decretus de su Sìndigu n. 16 de su 31/12/2020 e n. 1 de su 08/01/2021, aundi benit entregada sa Responsabilidadi de su Setori Políticas Sotzialis a sa Dot.ssa Ignazia Podda;

**DONAU ÀUTU** chi cunforma a cussu cumandau me is artt. 4 e 5 de sa L. n. 241/90 e ss.mm.ii. cun Determinazioni de su Responsabili de su Procedimentu sa Dot.ssa Luana Urru;

### **ARREGORDADAS:**

- Sa Deliberazioni de su Cunsillu Comunali n. 13 de su 26/02/2021, chi at aprovau, cunforma a s'art. 170 de su D. Lgs. n. 267/2000, su Documentu Ùnicu de Programazioni (DUP) po su triènniu 2021/2023;
- Sa Deliberazioni de su Cunsillu Comunali n. 14 de su 26/02/2021, cumpridora cunforma a sa lei, chi at aprovau su balantzxu de prevididura finantziària 2021/2023;
- Sa Deliberazioni de sa Giunta Comunali n. 99 de su 14/09/2020 chi tenit cumentu ogetu: "Aprovazioni Pianu Esecutivu de Gestioni (PEG) 2020/2022, Pianu Ditallau de is Tareas e Pianu de is Performance annualidadi 2020", me is tradus de s'aprovazioni de su Pianu Esecutivu de Gestioni provisòriu po su traballu 2021;
- Sa Deliberazioni de sa Giunta Comunali n. 51 de su 15/05/2020 de mudàntzia de is artìculus 7 e 8 de su Regulamentu apitzus de is Ufitzius e de is Servìtzius (Strutura e Organizazioni frunidura orgànica) e de s'alliòngiu B) Sistema de Medida e Valutazioni de is Performance;
- Sa Deliberazioni de sa Giunta Comunali n. 52 de su 15/05/2020 chi tenit cumentu ogetu: "Riorganizazioni strutura organizzadora de s'Enti" aundi ant aprovau a s'organigrama e a su Funtizonigrama de s'Enti e de aundi bessit aforas chi s'Enti est strukurau in 6 SETORIS intre is calis su de II SETORI de is Políticas Sotzialis;

### **BIUS:**

- Su D. Lgs. n. 267/2000;
- Su D. Lgs. n. 118/2011 e in manera particolari su princìpiu contàbili imbordigau in sa contabilidadi finantziària (all. 4/2);
- Su D. Lgs. n. 165/2001;
- Su Statutu Comunali;
- Su regulamentu comunali apitzus de s'ordinamentu generali de is ufitzius e de is servìtzius;
- Su regulamentu comunali de contabilidadi;

**BIA** sa L.R. 6 de su mesi de idas 2019 n. 20, art. 4, comma 8, lìtera a), aundi sa Regioni Autònoma de sa Sardìnnia at aprovau su pianu de interbènnidas po apoderai s'intrada a is servìtzius po sa primu pipialla atruessu de sa bogadura de sa reta po sa frecuèntzia de is nius e is micronius pùblicos o privaus comporaus in conventzioni de su Comune (medida "Nius a indonu"), po s'agiudu a is famillias in sa aconciadura traballu-famìllia;

**ARREGORDADA** sa Deliberatzioni de sa Giunta Regionali - Assessorau Igiene e Sanidadi e Assistèntzia Sotziali n. 39/21 de su 30/07/2020, chi, cunforma a sa L.R. 20/2019 numenada innoi apitzu, at aprovau is Lìneas Ghia po sa cumpridura de sa medida “Nius a indonu”;

**BIAS:**

- sa Determinatzioni de su Responsàbili de su Setori Políticas Sotzialis n. 854 de su 17/08/2020, chi at aprovau su schema de AVISU PÙBLICU “Nius a Indonu”, cumentu medida de agiudu po s’impreu de is servìtzios po sa primu pipialla atruessu de sa bogadura de sa reta po sa frequèntzia de nius e micronius pùblicos e privaus comporaus in cunventzioni de su Comune, cumentu puru su schema de su MÒLLIU DE DIMANDA imbordigau;
- sa Determinatzioni de su Responsàbili de su Setori Políticas Sotzialis n. 1051 de su 29/09/2020, chi at aprovau sa GRADUATÒRIA DE IS AMÌTIUS E S’ELENCU DE CUSSUS NO AMÌTIUS e su càrculu de s’abisòngiu po € 19.331,10, imbiau de manera regulari a sa Dìretzioni Generali de is Políticas Sotzialis de sa Regioni Sardìnnia cun Pec imbiada sa dii 29/09/2020 (lìtera prot. 13771);
- sa Determinatzioni de su Responsàbili de su Setori Políticas Sotzialis n. 1225 de su 5/11/2020, chi at aprovau sa GRADUATÒRIA DE IS AMÌTIUS E S’ELENCU DE CUSSUS NO AMÌTIUS ACONCIADA castiendi a is inditaduras noas de sa RAS (avisu RAS prot. 10946 de su 29.09.2020) cun determinatzioni de su abisòngiu nou po èurus 10.589,61, imbiau de manera regulari a sa Dìretzioni Generali de is Políticas Sotzialis de sa Regioni Sardìnnia cun Pec imbiada sa dii 6/11/2020 (Lìtera prot. 16008);
- sa Determinatzioni de su Responsàbili de su Setori Políticas sotzialis n. 1498 de su 18/12/2020, chi at cumprovau s’AVERIGUADURA DE IS INTRADAS;
- sa Determinatzioni de su Responsàbili de su Setori Políticas Sotzialis n. 1511 de su 23/12/2020 chi at cumprovau s’IMPÌNNIU DE GASTU po èurus 10.589,61 a profetu de is 17 beneficiàrius apitzus de su CAPÌTULU 10412.50/2020;

**ABETAU CHI** s’abisòngiu arrechèdiu po custa medida est stètiu carculau in èurus 10.589,61 e chi su tanti est seguru a disposidura in su capìtulu 10412.50/2020 me is impìnnius diferentis intestaus a dònna beneficiàriu (impìnniu D1511 - sub da n.1 a n.17);

**CUNSIDERAU CHI** sa medida “NIUS A INDONU” interbennit po coberri de manera intrea o po una parti sceti su pagamentu de is retas de frequèntzia, cun entrega de unu agiudu finsas a unu màssimu de:

- € 1.645,22 pratzius in 8 mensilidadi de € 205,65 po s’annu 2020, po importus ISEE intre èurus 0 e 30.000,00
- € 1.340,79 pratzius in 8 mensilidadi de € 167,59 po s’annu 2020, po importus ISEE intre èurus 30.000,01 e 40.000,00;
- € 822,61 pratzius in 8 mensilidadi de € 102,82 po s’annu 2020, po importus ISEE prus mannus de èurus 40.000,00;

sceti candu su tanti de cussas retas de frequèntzia e totu iant a barigai su tanti de su BONUS MÀSSIMU arreconnotu de s’INPS;

**ARRICIA** e averiguada sa documentatzioni presentada in sa dii de su 16/03/2021 de is beneficiàrius amostaus me is elencus alliongiaus, chi amostit is gastus apoderaus po si retas de is NIUS e is rimborsus arricius de s’INPS po is tempus inditaus in cussus alliongiaus e totu;

**CUNSIDERAU** intzaras de depi sighiri a innantis cun sa licuidatzioni a profetu de n. 1 beneficiariu de sa medida NIUS A INDONU, po su tanti de € 262,92 in su cap. 10412.50/2020, Impènniu D1511/2020 sub 13, sighendi is inditaduras de is schemas alliongiaus asuta de is lìteras A e B, chi ddoi funt in custu àutu, po ndi fai parti integranti e de fundòriu;

**PIGAU ÀUTU** chi sa publicatzioni cunforma a is artt. 26 e 27 de su D. Lgs. 33/2016 est acontèssia in sa sedi de arricidura de sa determinatzioni n. 1511 de su 23/12/2020 e chi su còdixi de arreconoscimentu chi pertocat a sa publicatzioni in sa setzioni imbordigada de su giassu web istituzionali de s'Enti tzerriada "*Amministrazione Trasparente*" est custu: n. 1116/2020;

**DONAU ÀUTU** chi s'istrutòria preordinada a sa arricidura de custu àutu s'est serrada de manera favoràbili e cunsiderau de podi cunfrimai sa regularidadis e su currìgiu de su stremu amministrativu, cunforma e po is efetus de cussu chi cumandat s'art. 147 bis de su D.Lgs. n. 267/2000;

**DONAU ÀUTU** de àiri averiguau a innantis chi custu gastu est cumpatibili cun is stantziamentus imbordigaus de su balanzu e cun is arrègulas de sa finantza pùblica, cunforma a s'art. 183, comma 8 de su TUEL;

**DONAU ÀUTU** chi custu provedimentu benit a èssiri cumpridori cun sa posta de su vistu de regularidadi contàbili, chi cunfrimat sa coberridura finantziària, po parti de su Responsàbili Setori Econòmicu Finantziàriu, Risorsas Umanas e Aminsitrazioni Generali, cunforma a s'art. 151, comma 4 de su D. Lgs. 18/08/2000, n. 267;

**DE CUNFRIMAI** chi impari cun sa dii de arricidura de custu àutu s'at a fai sa publicatzioni cunforma a is artt. 26 e 27 de su D. Lgs. 33/2013;

### **PROPONIT A SU RESPONSÀBILI DE SU SETORI**

**DE ARRICIRI** is premissas amostadas innoi apitzus cumentu parti integranti e arresoni de fundòriu po sa cumpridura de custu provedimentu;

**DE AVERIGUAI**, cun sa tarea de su scrucullu prebennidori de regularidadi amministrativu-contàbili cunforma a s'art. 147 bis, comma 1, de su D. Lgs. n.267/2000, sa regularidadi tènnica de custu provedimentu castiendi sa regularidadi, sa legitimidadi e su currìgiu de su stremu amministrativu, su cali parri favoràbili est donau impari cun sa firma de custu provedimentu po parti de su responsàbili de su Setori;

**DE LICUIDAI** su tanti de èurus 262,92 cun imputatzioni apitzus de su Capìtulu 10412.50/2020 - Impènniu D1511/2020 - sub 13, cumentu ddoi est in is schemas alliongiaus a is lìteras A) e B);

**DE IMBIAI** custu àutu, acumpangiau de totu sa documentatzioni arrechèdia a cumprovai su deretu de su arricidori, a su Setori Econòmicu-Finantziàriu, Servìtzius Demogràficus e Risorsas Umanas po:

1. Is scrucullus prevèdius e is proas amministrativas, contàbilis e fiscalis cunforma a s'art. 184, comma 4 de su D.Lgs. 18/08/2000 n. 267;
2. Sa spratzinadura sighidora de is mandaus de pagamentu chi ndi pertocant, sighendi cussu chi est prevèdiu de s'art. 185 de su D.Lgs giai numenau 18/08/2000 n. 267;

**DE DONAI ÀUTU** chi custa determinatzioni:

- Est cumpridora de su momentu de sa posidura de su vistu de regularidadi contàbili chi cunfrimat sa coberridura finantziària fata de su Responsàbili de su Setori Econòmicu-

- Finanziàriu, Servìtzius Demogràficus e Risorsas Umanas;
- Bandat fichia aintru de su Registru Generali de is Determinatzionis, chistiu in su Setori Amministratzioni Generali e Istruzioni Pùblica;
- Benit publicada in s'Albu Pretòriu onLine de s'Enti cun sa tarea de sa publicidadi e de sa trasparèntzia.

**DE PUBLICAI**, cun sa tarea de sa cumpridura de is cumandus cunforma a s'art. 26 de su D. Lgs. 33/2013, custu àutu e is alliongiaus cosa sua in sa setzioni *Amministrazione Trasparente* de su giassu istitutzionali de s'Enti in s'àrea apòsita "*Sovvenzioni, contributi sussidi e vantaggi economici*";

**DE DONAI ÀUTU** chi at a èssiri publicau sceti s'alliòngiu B) mentras, po arresonis alliongiadas a s'amparu de su resguardu de is benefitziàrius, no s'at a sighiri a innantis cun sa publicatzioni de s'alliòngiu A);

**DE PONNI A DISPOSIDURA** su pròpiu in furmau digitali atruessu de sa fichidura in su Server de s'Enti cunforma a s'art. 53 de su Regulamentu apitzus de s'Ordinamentu de is Ufitzius e de is Servìtzius aprovau cun deliberatzioni de sa Giunta comunali n. 54 de su 22/05/2019.

*Alliongiaus:*

- 1) *Benefitziàrius - all. A);*
- 2) *Benefitziàrius (omissis) - All. B);*

**Su Reponsàbili de su Procedimentu**

Dot.ssa Luana Urru

## **SU RESPONSABILITÀ DE SU SETORI**

**SCRUCULLAU** su documentu istrutòriu chi ddoi esi innoi apitzus, apariciau de su Responsàbili de su procedimentu;

**ARREGORDADA** sa normativa vigenti in matèria;

**DONAU ÀUTU** de s'arresultau de sa averiguadura prebennidora de regularidadi amministrativa fata po parti de su sutascritu;

### **DETÈRMINAT**

**DE APPROVAI** sa propònnida de determinazioni innoi apitzus fendindi suus is arresonis e su dispositivu, chi innoi si bolint batus e copiaus po intreu.

**DE DECRARAI** s'insussistèntzia a càrrigu suu de arreselus de cunflitus de interessu cunforma a s'art. 6 bis de sa lei 241/90.

**DE CUNFRIMAI** sa regularidadi tènnica, donendi àutu de su currìgiu de su stremu amministrativu, cunforma e po is efetus de cussu chi narat s'art. 147 bis de su D. Lgs. 267/2000.

**Su Responsàbili de su Setori**

Dot.ssa Ignazia Podda

Firmau de manera digitali cunforma a s'art. 24 de su D. Lgs. 82/2005